



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluku
o davanju saglasnosti gradonačelnici Grada Sarajeva za finansijsku podršku radu
Javne ustanove Centar za odgoj, obrazovanje i rehabilitaciju „Vladimir Nazor“
– vrtić „More nade“

(Prijedlog)

Predlagač: Gradonačelnica
Obrađivač: Služba za lokalno poslovanje

Sarajevo, juli 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __.2024. godine, donijelo je:

(Prijedlog)

**Odluku
o davanju saglasnosti gradonačelnici Grada Sarajeva za finansijsku podršku radu
Javne ustanove Centar za odgoj, obrazovanje i rehabilitaciju „Vladimir Nazor“
– vrtić „More nade“**

Član 1.

Gradsko vijeće Grada Sarajevo daje saglasnost gradonačelnici Grada Sarajeva za finansijsku podršku radu Predškolskog odjela Javne ustanove Centar za odgoj, obrazovanje i rehabilitaciju „Vladimir Nazor“ – vrtić „More nade“, u iznosu od 50.000,00 KM.

Član 2.

Sredstva iz člana 1. ove odluke bit će obezbjeđena Budžetom Grada Sarajeva za 2024. godinu, i to dijelom iz tekuće rezerve, a dijelom preraspodjelom sredstava unutar Budžeta Grada Sarajeva.

Član 3.

Zadužuje se gradonačelnica da preduzme sve potrebne aktivnosti u cilju realizacije finansijske podrške radu Predškolskog odjela Javne ustanove Centar za odgoj, obrazovanje i rehabilitaciju „Vladimir Nazor“ – vrtić „More nade“.

Član 4.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

**Broj:
Sarajevo, __. __.2024. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Na 58. sjednici Kolegija Gradskog vijeće Grada Sarajeva, održanoj dana 24.06.2024. godine, usvojen je Zaključak (broj: 01-GV-02-843-2/24 od 24.06.2024. godine) kojim se predlaže gradonačelnici Grada Sarajeva da, u skladu s važećim propisima, iz Budžeta Grada Sarajeva za 2024. godinu, obezbijedi sredstva za finansijsku podršku radu vrtića „More nade“ koji pohađaju djeca s poteškoćama u razvoju.

Predškolski odjel Javne ustanove Centar za odgoj, obrazovanje i rehabilitaciju „Vladimir Nazor“ – vrtić „More nade“ pohađa 68 djece. Djeca su raspoređena u 15 odgojnih grupa u zavisnosti od uzrasta i vrste teškoće u razvoju. Primjetan je konstantni porast broja djece iz godine u godinu, tako da su bili prinuđeni pregraditi dvije velike učionice za novoformirane grupe. Ova Javna ustanova već ima 50 potpisanih ugovora s roditeljima za narednu školsku godinu, a očekuje se još oko 20 ugovora koji će se potpisati u augustu 2024. godine.

Obzirom da je vrtić mjesto gdje djeca provode veći dio dana, od iznimne je važnosti da se osigura sigurno i stimulatивно okruženje za njihovu igru i boravak u prostorijama vrtića.

Postojeća stolarija prostorija vrtića u lošem je stanju te može dovesti do povreda kako djece, tako i angažiranog osoblja. Zamjenom postojeće, dotrajale stolarije, stvorit će se uslovi za sigurniji prostor za djecu, a time će im se omogućiti i kvalitetniji boravak u zatvorenom prostoru, a što je značaja za njihov razvoj.

Gradsko vijeće Grada Sarajeva prepoznaje važnost ovog projekta i podržava napore Javne ustanove Centar za odgoj, obrazovanje i rehabilitaciju „Vladimir Nazor“ u unaprjeđenju uslova u kojima borave djeca Predškolskog odjela ove ustanove.

Na osnovu gore navedenog, Gradsko vijeće Sarajeva donosi Odluku o davanju saglasnosti gradonačelnici Grada Sarajeva za finansijsku podršku radu Javne ustanove Centar za odgoj, obrazovanje i rehabilitaciju „Vladimir Nazor“ – vrtić „More nade“.

FINANSIJSKA SREDSTVA

Za realizaciju Odluke bit će obezbjeđena sredstva u Budžetu Grada Sarajeva, i to dijelom iz tekuće rezerve, a dijelom preraspodjelom sredstava unutar Budžeta Grada Sarajeva.